

永嘉縣志卷之九

水利 海塘附

土與水相涵始得其性成稼穡稻田尤所兢兢甌瀕海帶江地勢西高東下故諸溪水多自西而東經絡原野瀦為潭流為渠滙為湖支分派合雖大小不同其所以資灌溉便舟楫其利一也若夫塘隄以捍羨溢隄門以時節宣禦鹹蓄淡不憂旱澇具有成規存廢不一愛民者尚留心焉志水利

城內水道

由會昌湖入城永寧門支派縱橫詳山川

嘉靖志按舊志府城內

原有子城城四面有濠濠上下岸各有街彼時一渠

永嘉縣志

卷之九 水利

兩街河邊並無民居宋紹興間居民侵塞舟楫難通

火患罔備淳熙四年知州事韓彥直募民開濬州人

刻石記之

葉適永嘉開河記温州並南海以東地常燠少寒上壤而下濕昔之置郡者環城內

外皆為河分畫坊巷橫貫旁午升高望之如畫奕局永嘉非水之滙即河之聚者不特以便運輸達舟楫也以節地性防火災安居利用之大意也其後承國家生養之盛市里充滿至於橋水隄岸而為屋其故河亦狹矣而河政又以不修長吏歲發閭伍之民以濬之或慢不能應又取河濱之積實之河中故大川淺不勝舟而小者納汙藏穢流泉不來感為癘疫民之病此積四五年矣淳熙四年戶部尚書韓公之來守也其九月即用州之錢米有籍無名者合四十餘萬益以私錢五十萬命幕僚與州之社里長募開民為工一萬三千有奇舉環城之河以丈率者二萬三百有奇取泥出麓兩岸成邱村農閭之爭喜資去一日幾盡事畢則天雨兩旬於是洗濯流蕩而水之集者深漫清泚通利流演雖遠坊曲巷皆有輕舟至



其下民既得以舒鬱滯導和樂而公之治遂以清平而或蓋先王之政以養人為大生聚所資衣食之有無此上之責也封疆道路城郭溝池其修補濬治之功此民之力所能自為也如使官亦為之則費而難繼矣後世道失乃以費官益民者為政之大然吏懼其費而不復為之或不不知而一委之民也而其勸之或不以其道使之或不盡其術則徒擾擾而已矣夫上之於下豈必與之較哉民以為不能者官自為之可也民有四五十年之病而上無一日之救則非仁者之用心也公之為是役也可以知其仁矣故州之人相與刻石記之以戴公之仁亦欲使後來者知所考云

嘉靖十一年有司以少師張公意欲盡拆沿街橋棚開復舊迹眾皆稱便然但行於新河前街百里坊三處餘未及也今城中水利最急者在疏濬兩南門至奉恩水門一帶河渠每春夏秋間淫潦汎漲開城外隄門隨落潮放出潦水

永嘉縣志

卷之九

水利

二

以宜洩積穢此大利也若偏曲坊巷河渠能一槩開浚如蘇州府城隨處輕舟可到則尤便矣浙江通志

國朝康熙九年副使許重華委同知張經督民開濬以通

舟楫

舊志以士民林兆甲等呈請開濬內外舟楫可通咸稱便

雍正八年知府秦

玠知縣羅秉禮諭居民各濬門前河道禁止私搭浮

棚

水則 **嘉靖志** 舊刻在譙樓前五福橋西北第二間石

柱云永嘉水則至平字諸鄉合宜平字上高七寸合

開隄門平字下低三寸合閉隄門宋元祐三年立

城外水道

會昌湖 在城外西南唐會昌四年重浚因名其總
受三溪諸水為城河南塘河上源 薛山川

志此水又分為南湖西湖會昌其總名耳

西湖 在小南門外 嘉靖志旁有韋公隄其水西
一支過社壇

橋至甌浦山下北一支過行春橋至西郭隄門下又

一支過綠野橋通城下濠至廣化隄門一支過山川

壇前入泥蕩河通淨水新橋賜魯而中 支達玕嶼

梅嶼仙門潘橋岷岡方輿桐嶺北一支 達渚浦黃橋

韓丈宋輿郭溪瞿溪雄溪南一支達瓶社上園婁橋

東坑石瀨礁下分流支派旁通四達焉

南湖 在大南門外 嘉靖志其水一自車橋通花柳塘達朱村

永嘉縣志 卷之九 水利 三

隄門一由古船塲達外沙隄門一自南禪橋入荷花

蕩達山前隄門一自巽山下過茶院寺出南塘直抵

瑞安縣延袤七十餘里東一支自李田橋划龍橋南

通黃社仙洋北趨蒲洲新建茅竹隄門又東一支自

白塔寺後入信輿丁輿杜輿泉村木舟洋西一支自

吳田入慈湖竹輿又西一支自鵝頸橋過頭陀寨下

至帆遊橋接瑞安縣界

南塘 在大南門外 舊府志南自瑞安東門北達郡城舊

時稱八十里荷花卽此塘也宋淳熙四年郡守

樞修 葉適重修南塘記畧州城 瑞安有下

百里所不知起何時

為滙遇時潦咫尺不得進往往溺死自閩山至於吳會去來者病之吳興沈公治郡之明年有以塘事告者公與通判率兩邑大夫即里居謀曰役復有大於此者乎奈何使吾民鑄紫銖斂竊自支補甲前而乙却也苟無愆時工勿問庸幾何苟無乏事石勿問價幾何興匠肯來市無強價自冬十月

成 萬歷志元末拆毀近修復塘鋪路

花柳塘 在大南門外飛霞洞前有黃湖埭 石瀨塘 在城南吹臺鄉十六都

和尚塘 在膺符鄉 翟嶼山塘 在九都有二塘一在山南通郡城南門一在山北通東門

黃石山南塘 在城東南延袤三千五百餘丈濱大河 永嘉場堤塘 在二都康

熙年鄉民自築 長沙塘 一都 山北塘 三都俱乾隆十三年奉文給瀨耗築

福昌埭 在鎮海門外舊水寨側 新埭 在鎮海門外外沙浦 朱村埭 在鎮海門

外朱村浦 倪埭 一都 呂家埭 陳八河口埭 翁師埭

永嘉縣志 卷之九 水利 四

陳大埭 楊家滙埭 以上俱 茅竹埭 舊名軍前大埭 俱五都茅竹山址 東平埭 在六都茅竹山之東 西平埭 在茅竹山之西

嘉靖志舊山北有田地數百頃中有河自一都至郡城舟楫皆通而以軍前大埭北截江湖宋紹興二十

四年埭決田地悉坍於江不復有河始分築平水埭於山之東西嘉靖三十三年西埭決

本修築 龍灣埭 四都 娘娘宮埭 都江滸事實 二埭康熙年

民自築 泄漏埭 在六都 陸家北埭 六都 陸家

南埭 在下 舊志三埭俱在六都宋 南 再築

地形稍高民居稠密今其下皆漸淤

黃湖埭 在飛霞河前

周稍埭 在黃石山前

蒲洲埭 在八都去城二十里

浙江通志此埭內蓄河水外障江

湖永嘉并瑞邑温衛田畝約計二十四萬悉資灌溉

其長四十餘丈明正德十六年風潮蕩壞推官程資

督修 嘉靖志王瓚記畧河濱海當潮汐之衝向嘗夾

温民上其事請郡守陸公鰲集眾議出公帑命縣幕

祝鸞督役累石為乳樹木為筋築土為牆務為經久

計侯旦夕巡視不期月工成義民張秉肅高廷器

者民邵良忠王公陸王公堯皆宣力於是隄者

歷甲戌再圯郡守楊邦憲重修稍高 萬歷志程侯修

後嘉靖三十四年再壞府委耆民陳守岳修築萬歷

二年又壞郡守楊邦憲修高過舊埭

每遇秋水泛漲各鄉俱被淹沒郡守衛承芳乃準水則設水湫九處

永嘉縣志

卷之九 水利

蓄洩得宜

國朝順治十四年巡按王元曦命有司加葺康熙九年通

判施王澤督修 事實冊乾隆十六年知縣徐維綱詳

請修築乾隆二十六年令崔錫興工

黃洲埭 東角埭 倪家埭 俱在八都

下洋埭 在八都 府志上至蒲洲埭三里下接徐家橋直

茅竹嶺康熙五十三年風雨摧廢里人史公臣等重

築以地名下洋名之

天寧埭 在九都 宋舉埭 沙河埭 俱在盡蓋鄉

榆木埭 楓木埭 陳家埭 俱在盡牙鄉

法華埭

在孝義鄉甌浦上村

嘉靖志

東接建牙吹臺上河支流

西溉太平寺前洋并附郭等田至黃家輿而止埭下

有浦去江五里

何公埭

在十八都明郡守何文淵立舊失載

謝婆埭

在甌浦下村

浙江通志明萬歷二十五年郡守劉

芳譽指俸重築

王叔杲重築謝婆埭記畧永嘉控山帶海城以南為田數千頃三溪之水

紅迴環繞互相流灌往自南河關一湖以洩之江故每遇旱乾常苦失潤舊築法華以關之負郭之民相度窾會因廢之而築謝婆埭埭之濶可弓而畫然漕等三溪灌漑萬頃闔郡賴之嘉靖中駟僧之徒利舟世之便借堪輿渺說惑當事者聽而改築江口之蓮花浦地勢淤卑風潮蕩激輒廢輒修而民竟苦汗萊不獲享蓄洩之利萬歷二十三年劉侯以名御史來守是邦厝心民隱而得此埭廢興之故下邑侯林君議林侯悉心籌畫諏日程工選於民得田君諫方准鮑易有黃循日稿督之藉土於淤取石於山不踰時

嘉縣志

卷之九

水利

六

而工告竣

上沽埭

下沽埭

朱干埭

隄門埭

俱在泰清鄉

泉塘埭

在仙桂鄉

白象埭

在賢宰鄉三十六都事實冊係康熙二十一年後鄉民自築

城南新開

在瑞安門外舊釣橋東

天寧開

在九都

白木監開

橫山開

淨居新開

俱在

李浦開

應家開

大小頭開

淨居開

俱在

乾元開

倉頭開

俱在

范公開

在二十都范公浦

廣化隄門

在迎恩門外

嘉靖志因郭公山麓為之凡五間

泄水最駛凡遇澇則首開此開

西郭隄門

在迎恩門外廣濟橋西

嘉靖志法武辛亥年創嘉靖

閭改築石壩舊府志與海壇

海壇隄門在奉恩門即水門中開也萬歷志往年遇旱先壩永寧

瑞安二門以關內水乃開此關引潮入城澇則盡開

放之以洩城中穢濁宏治戊午郡守文林疏濬後則

奉恩門及城內河道俱淤塞矣

山前隄門在黃土山前通志以節城外南塘之水宋紹興

間郡守趙不羣築

國朝康熙初年諸生林兆甲等請重修

山後隄門在黃土山後黃坦隄門事實冊在四都康

外沙隄門在鎮海門外舊志舊名堰頭往歲廢圯潮入內

永嘉縣志 卷之九 水利 七

河涸則為浦池成斥鹵不堪稼穡明成化丁酉令文

林華巨石修築布橋立閘決去福昌黃湖二埭以通

花柳塘民甚利之

瞿嶼隄門在府符鄉九都瞿嶼山趾嘉靖志左負巖右隣浦因山

脚巖石為之右臂又有埭以扞浦宋郡守楊簡修築

右臂石塘更存新埭以為外護宏治九年郡守陸潤

重修 上下隄門事實冊在九都蒲洲係康熙年鄉民自築

石墩隄門在九都石嶼村嘉靖志宏治九年郡守陸潤修築

上立石橋三間旁砌石埭

茅竹隄門在五都茅竹山趾嘉靖志初茅竹有埭宋慶元六

年苗將獲而守臣憂之邑人陳熊請速決此好願自償築許之秋稼無損熊復請傍山趾剏陔門以時啟開庶免再患遂有茅竹陔門元初涇塞大德間縣

尹王安貞開浚宏治乙卯知縣林廷璫加築

西江浦新洲二陔門事實冊俱在七都係康熙年鄉民自築乾隆十六年知縣徐維綱詳

請修築二十六年知縣崔錫典工詳委原在江山縣典史闕桂卿監督竣事

鐵田陔門在三都 **舊志**明嘉靖十一年築

龍灣陔門在四都舊名螞崎 黃焦陔門在一都芙蓉岩

黃石陔門在寧村所城外舊名方溪

羅浮陔門在三十都 **舊志**

永嘉縣志 卷之九 水利

國朝康熙十一年公築

海塘 附

沙城濱海長隄 明嘉靖年築羅洪先項喬俱有記記畧永嘉沙場東

於海土不能擇思易以石嘉靖甲午羅山張公入州疏於朝有司慮其難逾一十五年戊申諸生張岑與里人王九慶鄭守琳等請於巡按御史乃檄瑞安丞曹龍與義士王崇教陳宗岳王宗德周公祐李承龍等議城南起一都長沙北至沙村寨以丈計之至二千六百一十九丈之長方尺者十之以為高五之以為厚其費至五千四百兩有奇悉出郡邑之羨而官民不與焉三載城成外足以謝震矚而遏寇畧內足以固斥鹵而資灌溉司其事者致仕叅議王澈及叅政項春之力為多

新築長沙山北二塘據冊說長沙塘長四千七百零八

大自一都芙蓉岩起北山北塘長一千五十丈兩自

蓋田馬道北至

國朝雍正四年丁歸地徵永嘉場數都新墜蕩田一萬二

千餘畝攤抵竈丁誅銀因蕩田東濱大海潮汐往來

難以開墾乾隆十三年奉文給發鹵耗銀兩建築塘

埭始成禦鹹蓄淡為一方水利之要

永嘉縣志

卷之九 水利

九